


www.BibleForChildren.org


Matiyu 26



Nosai no mo;
Pasowa koloni
wasiwoi muwoi, ulo
toufo mo amai,
nomai no mo Isiso mo
Pitano nokonuso tumoki,
Lasolasoni nukutaiso, noko no
mo yausai toku no lusikaiki
no. Amai no manokino
mo, Moili mo kou woti iwo
nau na asoki.




Isisoni fona
tiso na
sololukikomaloki.
Wiyou, kou woti
iwo mo koufa muwoi,
siyoliso na solukimoki. Kou
woti iwo itouniyaima itouniyaimo,
muwoni mo siyoli, wiyou.
Isisoni fona tiso na
louwokomoki, komu suwo
sopoyo na uwosuwakomoki.
Wiyou, nu mo woti itouniyaimo saso.



Nosai no mo; noko molo tiwoi mulumai nokota, tani
siyolo mo Yutaso Isokailiyo, to mo lotu samukuko noko
sisiyolini auso manoki, Isiso toini
auso kiyoko monoi ikokaiyanoki.




No kwaikino mo, wiyoun, toi mo siyoliso na molokikino,
imo lukaso nikaikino, na imokaikino, “Suo mo
muwoni niyoikimo.” No monoi no
Yutaso mo mulumolokaloki,
“Yo mo Isiso mo maniwoiso
poimo kiyokoi,
toini nainoso mo.”



Nosai no mo; siyokutono iyali mo
Isisoni imososo na aluwaikino,
Pasowa koloni foukaiyanokino. Amai
no si manokino mo, Isiso mo paluwa
tuo na anoki, Kotoso wafisu imo na
imoki, na foloulu nikoki, siyokutono
iyaliso. Na ikoki, “Fuo, na ponokowo.
Ni mo yani au somu.” Molo wamo ito
iwo mani, na woliyonoki.



Wafisu imo imoki mo, na woliyotiki,
na ikoki, “Fuo, na posikalowo. Ni
mo yani nako na. Noko nokolalo
komaso noko moi kwalomai monoi
kalo unoikuwomo. Yani nakoyo
amukono monoi Kotoyo auwolo
ukukaiyoimo, noko nokolalo monoi,
molo siya posaso wiyoti monoi. No
monoi no molo koyau monoi
imo mo futo.”



Nosai no mo; Saimo Pitaso na imoki, Isisoyo mo,
“Saimo, Saimo, na pukwaimono. Sokolo Nokota Waiyo
uwokomo ki monoi tiyo. Nokoyo paluwa tuo aliyoli no
tiyou salosalalo no, fulomuyo kukumoso ufosifoliyafoumo
monoi, noinoso na uwokomo ki monoi tiyo, Sokolo
Nokota Waiyo. Ulai yo mo Kotoso yapoli na imo
ununoki, nonoso fasi
monoi. Wonikaluso
paikoso mulumolo
luwaimonoiniso. Ulai
ifou tumakinimo,
mulumolo
luwaimono noko
nokolaloni
mulu na pa
amikomoi.”




Nosai no mo; Pitayo na imoki, “Noko Siyoli, yo mo na topuwotolokai, nonoso aluwai monoi, kalopulo nuso. Kalakinimo, yo mani, kalomonoimo.” Isisoyo na imoki, “Pita, ya timonoki, kono amolokimai kokalo imo yomu somisomai, taumai na yomumosoinimo, “Yo mo Isiso mo sai muwoi.”




Nosai no mo; Isiso iyali mo nuki, Kitosimoniso mo fiyamosiya tumokino. Isi siyolo mo Kitosimoni. Siyokutono iyaliso na ikoki, “Imaino na posiwo. Yo mo Kotowoi imo tolukaso ni tolano, ausoni.” Ulai ti monoi imoki, “Apou yani Apou, nono mo waliyo na tofasimononi. Tukolomono monoi na pa ufiyaiko. Ulai yani muluyoso muwoi, nani muluyosu nali no.”



No monoi no mo, nonani isiso na tumoki. Polimano noko iyali na koliyo tumoki, polimano noko iyaliwoi nokotalo iyalini mi anoti nokowoi. Mi anoti noko mo lotu samukuko nokowoi Falisi moloso aluwai nokowoi toiyo no iko taikiyokino no. Yutaso mo na koliyo tumoki. Toni lamowoi na kuloli tolika tumokino, kutalo tawoi lamu tawoi.




Imokino mo; toi nokotayo nokoni iyoso tokoso
kukiyowaiki, totawoi lotu samukuko nokota siyolini mi
ano nokotani iyoso. Nainasai iyo na. Ulai Iviso
mo fowakoki, “Tofolo.” Nainoyo
akaikomoki, iyoso,
na itouniyaimokaiki.



Nosai no mo; na komikaikino, kominalomanokino.
Totawoi lotu samukuko nokota siyolini nu mo kiya
tumokino. Pitasu mo na aluwaiyaloki, namoli
namoli nomasoso na
aluwaiyaloki. Nosai no
mo; nu asiyofoloso ta fu
yoli siki. Pita mani,
na sokuka tumoki.



Ulai noko siyayo na imoki, “Isimaisu na kwainoki, tani auso toloso. Motu na piyomu.” Ainoso imoki, nokoyo. Nonani nokota mo totawoi lotu samukuko nokota siyolini mi anononi nokota. Iyo tokoso kukiyowai nokotani nako tomo. Pitayo iyo no tokoso kukiyowaiki no, totani nako tomoso nokota na.



Nonani nokota mo Pitaso
na imoki, “Isimaiso yo
kwainoki, tani auso toloso.”
Ulai Pita mo na yomuki,
“Topokoni.” Nosai no kokaloyo
imo na yomuki. Nosai no Pita
mo lofuki, na soni yousa fuki,
wiyou, na soni manoki.




Nosai no mo; noko komaso noko mo sauki. Isiso mo kaukino, Pailatoni auso, komano nokota siyolini auso. Nosai no mo; Pailato mo Isisoso na utolumoki, “A, nono no Yuto noko nokolalo samukuko nokota siyoli na?” Na fowaki, “Wuo, no tiyomuni no, ainoso na motu.” Ulai Pailato mo ti monoi na ikoki,

Isisoso kiyo taikiyo monoi louwa. Ulai siyoliso na iyamaloki,


“A mokimai na pukou ukou nikomokaiwo.”



Nosai no mo; Pailato mo polimano
nokoso na ikoki, “Na pokauwo. A
mokimai na pukou ukou nikomanowo.”
Nosai no mo; polimano iyali mo Isiso
mo na komi kaukino. Totani a moki na
sokukiyo fuki, Kalokatoso. Hipolu imosai
siyolo mo Kalokato, Yuto nokoni imosai
na. Imo folosai mo noino, Komu Foli Yu.




Na ukou ukou nikomokino, a mokimai.
Noko tiwoi mani, ukou ukou nikokino,
a moki a tiso. I siso mo mulumai
akaiya yokino. Noko
siya mo nainasai.
Siya mo
sokonisai.



Ulo wi somisomai nomai no mo, tuno siyoli lotu nu siyoli
kokiko poiso no kitafoli kukiyokaikino no, nonani tuno
na poliyaliyaiko taikiyoki. Nosai no mo; Isono mo siyoliso
na imoki, “Apou, yani mulu mo nani
nainoso na tanoninoki.”

Aino imoki mo,
yau na kaloki.



Alimatiyo asi nokota, Yusifo, to
mo Pailatoni auso manoki.
Yusifo mo Yuto nokota siyoli
na, nokotalo iyaliwoi
pukouniyaikomosikino.
Mulumolo luwai nokota
na, Kotoyo asi asi
komaso samukuko
monoi pofou
manoki.

Nonani nokota mo
kokolomowoi
muwoi. Pailatoso na
imanoki, “Yo no Isono
yau no waliyo
totokomonano,
ai unano monoi?”



Nosai no mo; Yusifo mo kamoso tuno
itouniyaimo na ananoki, suo mo
muwoni. Isiso yau na kominiyo
konoki, kamoso tunoyo na
yalokonoki. Noko yau yu
asi iso na akaiyanoki,
toku yasoi no
aikaikino no.

Nosai no tomoki tofu
siyoliso na lolomotaiki,
asi i ufiyaimo monoi.



Isiso kalomai mo mi fou fouko koloni
foukai ulo na. Nosai no mo;
amuwoisai lotu samukuko
noko sisiyoliwoi Falisi
moloso aluwai nokowoi,
toi mo Pailatoni auso
na ukouniyaiko
kuyanokino.



Na imokino, “Noko Siyoli, koi mo imofaso tomulumolokonoki, noino.

Topoko nokota mo molotano tolomai mo na yomuki, “Amoloki tiwoi uwai; ulo siya mo ifou na auwoniyowuimo, yo mo.”



No monoi no yu asi i itu loti na
asikaiyanokino, na
mosokukaikino.
Mosokukaikino mo;
polimano noko siyaiso
na ikokino, itu loti
samuku si monoi.




Mi fou fouko ulo mo uwai; amuwoisai
posasi, Moili, Makotalo asi
nukonuwoi Moili siyawoi, toti
mo Isiso yau mo na kiya
tumokino. Nomai no lolai
siyaso nou nou siyoli
mo na tumoki.

Wiyou, polimano
noko iyali mo
kokoloko


manoki, kumolokoki.
Na kalalotikoki,
yau yau.



Siyoli Nokotani kumoki nokota mo
kumokisai na amukonoki, asi i
ufiyaimo tomoki tofu siyoli na
lolomotaiki, itu loti kolali
foli monoi. Nonani
tomoki tonimai
yousikainoki.



Nosai no mo; kumoki nokota mo
nokolalo tiso na ikoki, “Noiyo
kokolokomoiwo. Yo mo sai,
Isiso yau mo tokiya
tumonuwo, nonani
nokota a mokimai no
ukou ukou
nikomokino no.
Yau amai pa toiso.
Yaso na auwonyou,
toku no imokinuwo no.
Yau akokai kwalososo
na pokiya tiwo, uwofa
nali.”




No monoi no mo, nokolalo ti mo kokolo
mulu, ulai moloki siyoli muluwoi na
yokino. Asi i utukaimokino, somaiso
na fufumuwanoki, siyokutono
iyaliso ikano monoi na louwa fi.



Ulai Isiso mo molomai na koka
tumoki, na ikoki, “Woli noko ti,
moti kuo.” Aumoifaso manokino
mo, fona timai komiyanokino,
na losinasi yousa konokino.
Wiyou, toti mo siyoliso na
molokimokino.





Nosai no mo; namolisai mo, Isono mo na koka tumoki,
noko molo siya 11 nokoso. Koloni no simai koka
tumoki, na ikikoki, “Hani monoi pa mulumolo
luwaimononuwoso?” Uhai afonimaiso? Toi mo
kukamokokai, yausai auwonyou imoso pa
kwaikokinoso. Isono Siyoli mo imo ikiko uhai; Kotoyo
kumokiso na kawiyo yoki. Kotohi nainasai
na yousa yoki.



Ulai afonimaiso? Koto mo mulu ukukaiki,
asi asi noko nokolalo monoi. No monoi no
mo totani awitona awitono na imo
taikiyoki, asiso. Noko mo nonani
nokotaso mulumolo luwaiyakimo,
uwokaiwoi muwoi, na
yousi itouniyaimoimo,
aniyopa poi
poi.



Lomo 3:23

Ulai afonimaiso? Noko komaso noko mo molo koiyausoso taluwaiyalo manono. Kotoni auso no molo i yo monoi? Koto mo itouniyaima itouniyaimo nali.

Lomo 6:23

Ulai afonimaiso? Molo koiyau foli mo kolikalikai, yau yau. Ulai Kotosu mo suomoso monoiso na tofasimokomoi. No monoi no na tosi itouniyaimo manokoni, aniyopa poi poi. Moini Isiso Kolaiso Siyoliwoi tosi tomasimokoni, no monoi no tosi itouniyaimo manokoni.

Hipolu 9:27

Noko mani, siyawoiso kolikali manumo. Kolikalimokakimo, molo koiyau foli monoi imokokaiyoimo, Kotoyo.



Ifiso 2:8,9

Koto mo mulumolo luwai noko moisoso fasikinuwo, suomoso monoiso na fasikinuwo, na tosamiyaikiyo sinuwo. Ulai ni no momaiyoso yokinuwo? Wiyouwa wiyou, ni mo Kotoyo na yoki, suomoso monoiso na fasikinuwo. Ni mo moiyo mi ano monoi muwoi, suomoso monoiso fasikomokinuwo, Kotoyosu mo. Ulai nokoyo no tota amu monoi no molo kisosomi monoi?

Lomo 10:9,10

Noino. Noko nokolaloni molo timai iyamakinuwomo, “Isiso mo Siyoli Nokota,” amiso mulumolo luwaiyakinuwomo, na samiyaikiyoinuwomo. Mulumolokakinuwomo, “Kotoyo yausai na lusikaiki,” no monoi no na samiyaikiyo soinuwomo. Ulai afonimaiso? Mulumaiso mulumolo luwaiyakinuwomo, Koto mo imo mo futo, molo koiyau monoi imo mo. Mulu ititouni kaiyoinuwomo. Noko nokolaloni molo timai posasokakinuwomo, na samiyaikiyo soinuwomo.



Iyono 3:16,17

Ulai afonimaiso? Koto mo mulu ukukaiki, asi asi noko nokolalo monoi. No monoi no mo totani awitona awitono na imo taikiyoki, asiso. Noko mo nonani nokotasu mulumolo luwaiyakimo, uwokaiwoi muwoi, na yousi itouniyaimoimo, aniyopa poi poi. Noko nokolaloni molo koyau foli monoi pa imo taikiyokiso. Noko samiyaikiyo monoisu na imo taikiyoki, tani awitonoso. No monoi no.

1 Iyono 5:11-13

Imo no mo Kotoyo no posasokoki no, no mo noino, totayo noinomo aniyopa poi poi si itouniyaimo monoi. Afonimaiso si itouniyaimowoi muwoi. Tani awitono mo ititouni si kiyo nokota na. Nokoyo Kotoni awitonowoi tolo tomasimo somiso mo, aniyopa poi poi pa yousi itouniyaimoiso. Noko mo Kotoni awitonowoi tolo tomasimakimo, na yousi itouniyaimoimo, aniyopa poi poi. Ninani imo mo Kotoni awitonoso mulumolo luwai noko moiso na tokumononinukuwo, no monoi no moi mo sai, moi aniyopa poi poi si itouniyaimo monoi.



Matiyu 26-28; Luko 22-24; Iyono 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Ama Bible (amm) © 2009, Wycliffe Bible Translators,
Inc. All rights reserved.

<https://live.bible.is/bible/AMMWBT/MAT/1>

©2026 Bible for Children, Inc.

www.M1914.org

www.bibleforchildren.org

